



АДАБИЁТШУНОСЛИК

Тозагул МАТЁҚУБОВА

ҒАФУР ҒУЛОМ ҲАЖВИЁТИ

Аннотация

Ушбу мақолада Ғафур Ғулом фельетонлари ўрганилган. Шу орқали ижодкор бадиий маҳорати таҳлил этилган.

Аннотация

В данной статье исследуются фельетоны Гафура Гуляма. Анализируется художественное мастерство писателя.

Annotation

In this article fenllitons of Gafur Gulam were researched. With this way feature skill of the creator was analysed.

Таянч сўзлар : фельетон, очерк, ҳикоя, миллий матбуот, мақола, тахаллус, ҳажвий асар, ҳажвиёт, ирония, адабий жанр, дидактик адабиёт, публицистик рух, бадиий ижод, ижодий ният, эстетик концепция, поэтик маҳорат.

XXаср бошларида миллий матбуот ривожланган. Кўпгинашоир ваёзувчиларимизнинг мақола, фельетон, очерк, ҳикоя, шеър ва бошқа жанрдаги асарлари вақтли матбуот саҳифаларида мунтазам нашр этилиб борган. Шу маънода, матбуот бир қатор ижодкорларимиз фаолиятида муҳим ўрин тутган. Ўзбек адабиётининг таникли намояндаси Ғафур Ғулом ижодий такомилида ҳам вақтли матбуотнинг ўрни фоятда катта бўлган. У ўзининг 1924-1925 йиллардаги ижоди ҳақида тўхталиб: "...шоирлик аҳён-аҳёндаги эрмакларимдан эди. Бу пайтларда шеърдан кўра ҳажвий нарсалар ёзиша қизиқар эдим. Яна тўғриси, шароит шуни талаб қиласи эди. "Муштум" журналининг ҳар сонида, деярли бирор асарим босилиб чиқар эди",¹ – дея эътироф этади. Кузатишлар шуни кўрсатади, "Камбағал дехқон", "Қизил Ўзбекистон", "Янги Фарғона", "Янги йўл", "Янги қишлоқ", "Ер юзи", "Шарқ ҳақиқати", "Муштум" сингари вақтли матбуот нашрлари F.Ғулом (айрим ҳолларда "Нуртой" тахаллуси ҳам қўлланилган – Т.М.)нинг 30-йилларгача бўлган даврдаги ижодий такомилида муҳим ўрин тутган. Жумладан, "Муштум" журналида "Саодат" (1928) ҳикояси ва "Шоирлик носқовогидан бир отим" (1928) фельетонидан тортиб, "Атоқли қизиқчиларимиз меросидан" (1964) миниатюрасигача чоп этилганлигининг ўзиёқ муаллиф мазкур нашрлар билан бутун фаолияти давомида ижодий алоқада бўлиб келганини кўрсатади. Демак, адабнинг: "Газетачилик менинг ижодий ўсишим учун университетлик ролини ўнади",² – деган эътирофи айни ҳақиқатидир.

Ғафур Ғулом XX асрнинг 20-30-йилларида, биринчидан, давр талаби, иккинчидан эса, ўз қизиқшларига кўра, асосан, ҳажвий асарлар ёзиш билан машгул бўлган. Қолаверса, ўша даврларда яратилган ўзбек бадиий-публицистик жанри бўлмиш фельетонлар табиатан мавзу долзарблиги, ижтимоий-сиёсий йўсиндаги танқидий руҳи усту-

¹Ғафур Ғулом. Кечмиш ва кечирмишларимдан. МАТ., Ўн иккى томлик., Биринчи том. – Т.: –Б.16.

²Ўша асар. – Б.17.

ШУНОСЛИК

ВИЕТИ

ган. Шу орқали ижодкор ба-

Гулъяма. Анализируется худо-

With this way feature skill of the

матбут, мақола, таҳаллус
адабиёт, публицистик ру
қ маҳорат.

нашонирваёзувчиларимизнинг асарлари вақтли матбуот, маънода, матбуот бир қатоғизбек адабиётининг таниклини мөнгөннинг ўрни ғоятда шаҳарларни түхталиб: "...шоирлик аҳёйтура ҳажвий нарсалар ёзишига эди. "Муштум" журналиниң дея эътироф этади. Кузатишон", "Янги Фарғона", "Янгитум" сингари вақтли матбуот и ҳам кўлланилган – Т.М.)" – ухим ўрин тутган. Жумладаирлик носковогидан бир отми меросидан" (1964) миниатюралар билан бутун фаолият. Демак, адабнинг: "Газетачи ийнади",² – деган эътирофидан, давр талаби, иккинчи ёзиш билан машғул бўлганистик жанри бўлмиш фельюсиндаги танқидий руҳи устуни. Биринчи том. – Т.: –Б.16.

зарлиги, ҳажвий-сатирик йўналишга мойиллиги, оммавийлиги билан ажralиб туради. Академик С.Мамажонов тадқиқотларида F.Фуломнинг бу даврдаги фельетонлари юнсан ўрганилган.³ Аммо мазкур тадқиқот юзага келган даврига кўра муҳим аҳамиятниб этгани ҳолда, истиқпол даври адабиётшунослиги буткул янгиланган мезонлануқтаи назаридан бирмунча оқсайди. Шу маънода, адаб фельетонларини янгича араслар асосида ўрганиш зарурияти мавжуд.

F.Фулом ўз фельетонларининг публицистик руҳини кучайтиришда фактларни муқояса қилиш, улардан таъсиrlаниб фикр-мулоҳаза ва хуласаларини баён қилиш, саволлар билан ўқувчига мурожаат этиш, ўша саволларга жавоб бериш каби усуллардан фойдаланади. Масалан, "Драматург кўпми, шоир?" фельетонидаги икки мусоҳибининг савол-жавоблари, классик наср услугиб асосига курилган. Жумладан, "Эй савол бергувчиларнинг баҳтилороги" сингари мурожаатлар ёхуд: "Мен бир шўрликда кўрилган бу ожиз истижолани ювиш учун сухандонлик майдонида нутқ дулдулига менинг, тил ханжарини ўйната-ўйната, зердаги лекцияни чунонам бошлаб кетдимки, менинг сўздаги чобукдастлигимдан, у ҳар иккى қулоғи етмагандай, оғзини ҳам карракдай очиб, учинчи қулоқ ўрнида менга қаратиб тингламоқда эди" каби баён тарзидан ҳолатлар аниклиги баробарида, мумтоз наср услугиб ва Кайковуснинг "Қобуснома"си типидаги дидактик адабиётга хослик ҳам ёрқин намоён бўлади.

F.Фулом фельетон жанрида ёзган асарларининг услугуга алоҳида дикқат қаратади. Бу хот оҳанг ва интонацияда, сатирик бўёўлар қуюқлаштирилиши ҳамда кучли иронида, жонли образлар яратишида, автор шахсиятининг намоён булишида, композицияда гузатилади. F.Фулом фактларни инсон образи саъжиясига сингдириш, хатти-ҳаракат ва қиликлари орқали воқеликни кўрсатишга интилди. Жумладан, академик С.Мамажонов унинг "Оёқ олишига қарайди" фельетони қаҳрамони Соттиев ва А.П.Чеховнинг Унтер Пришибееви, "Классиклардан қачон сўз очар, эҳтиёт бўлинг оловлар сочар" асари қаҳрамони шоирликни ғоятда саёз ва юзаки тушунувчи Сувонкул ҳамда А.Қаҳҳорнинг "Адабиёт муаллими" ҳикоясидаги Боқижон Боқиевлар ўртасидаги яқинликни кузатган эди.⁴ Бизнингча, бундай ёвуклик мавзуни кулги ёрдамида ёритиш, ҳажвий образ ғратиш, воқеа-ҳодисаларни лўнда тасвирлаш санъатининг эгалланганлиги, ижтимоий муносабатлар ва майший тўқнашувларнинг қаҳрамон характерига таъсири, F.Фулом айрим фельетонларининг сатирик ҳамда юмористик ҳикоя жанрига яқинлиги сингари ҳизматларда намоён бўлади.

Жумладан, "Классиклардан қачон сўз очар, эҳтиёт бўлинг оловлар сочар"⁵ фельетони қаҳрамони Сувонкулни "Тушунилиши оғир шеърлар" битган Навоий, Фузулий, Муқимий, Лутфий, Хайём, А.С.Пушкин, Н.В.Гоголь, Л.Н.Толстой сингари таълай кишиларнинг нима учун классик саналиши ғоятда ажаблантиради. Лугатларни титиб англагани шу бўладики, "классик" сўзи лугавий жиҳатдан "катта шоир", дегани экан. Юқорида номлари саналганларнинг ким эканлигини билишга уриниб, шуни фаҳмлайдики, Пушкин – "катта кўча", Толстой – "ўғон", Навоий – "пиёда юрадиган бир оёқ яланг", Фузулий – "ески мактабларда ўқиладиган бир китоб", Муқимий – "Ҳапалак қишилогининг сўфиси бўлмиш бир лакалов одам" экан. Кўринадики, Сувонкул ҳатто Махмур ва Муқимийни ҳам фарқламайди. Шундай бўлса ҳам ўзини ғоятда билимдон санаб шоирлик ҳунарига астойдил берилади. "Янги" ёзган шеъру достонларини кунига элликтача одамга ўқиб бериш билангина чекланмай, классиклар ҳақида поф уриб, суҳбатдошини "илмисиз"ликда айблаб, унга "танбех" беришдан чарчамайди. Сувонкулдаги ғурур ва мақтанчоқликни кўрсатиш орқали F.Фулом унинг нафақат адабиёт ҳақида жўн қоидалар, балки на ўтмишнинг нодир адабий мероси, на ўзига замондош ёзувчилар ижодидан заррача хабардор бўлмаган, реал ҳаётдан ҳам мутлақо йироқ бир кимса эканлигидан кулади.

Демак, Сувонкул характери, қаҳрамон саъжияси, ҳаракат-ҳолатлари – адабиётни тушуниш даражаси ва ижодга муносабати юнқидан көлтириб чиқарилади. Бу билан F.Фулом киноя ва кесатиқлар орқали бадиий ижод истаган кимса обру-эътибор орттириш мақсадида тумшуғини суқиши мумкин бўлган жўн ҳунар эмас, балки ижодкорликка даъвогар кимса ҳеч бўлмагандан, ҳаётни, қолаверса, мумтоз қаламкашлар ва замондош

¹Мамажонов С. Faфур Fулом прозаси. – Т., "Фан", 1966.

²Ўша асар. – Б: 8-9.

³Faфур Fулом. Классиклардан қачон сўз очар, эҳтиёт бўлинг оловлар сочар. "Муштум", 1933., 16-сон.

адиблар ижодини теран билиши, адабий-назарий қараашларни чуқур үзлаштириши лозимлиги ҳақидағи эстетик қараашларини илгари суради.

F.Гулом ХХ асрнинг 20-йилларида Ўзбек давлат кино трестидаги кадрлар күнимсизлиги оқибатида юзага келган хұжасизлик, бошбошдоқлик, юлгичлик каби иллатларни “Чайналавериб қирпит бўлган тўларсоқ” (яъни сийқаланган катта сувак – Т.М.) фельветонида кескин фош этади. Муаллиф “Бахт қуёши”, “Чодира”, “Мохов қиз”, “Ўзбекистон хотинлари”, “Лотинлаштириш”, “Ит олмас”, “Мачит гумбазлари остида” каби фильмларни таҳлил этади. Уларни санъаткорлик маҳорати етишмаслиги, маҳаллий халқ ҳаётидан бехабарлик ва шошма-шошарлик билан суратга олингани, нафосатдан ийроқлиги боис танқид қиласди. Муаллиф тили билан айтганда, “санъат ҳемири” эканлиги боис “бахтсиз”, “бечора”, “ўтмас буюм”га айланган бу фильмлар “Чалпакка ўраб ташлағанда ҳам ит олмас”дир. Зотан, уларда санъаткорлик, ижодий фикр, реал турмуш ўз ифодасини топмаган. Улар халқимиз урф-одати, майшати билан боғлиқ ҳақиқатдан мутлақо йироқ тасаввурлар асосига қурилган. Бундан миллий ғурури ўртангандан муаллиф: “... ўзбекни оламга ошкор қилмоқчи экан – олган ленталарида ҳақиқатни, ҳақиқий типни бера олсин. Ҳақиқий ўзбек майшати, урф-одатини барқ үрдириб кўрсатсан”, – деган кескин талабларни ўртага ташлайди. Шунинг учун ҳам F.Гулом давлат кино трести олдига: “Ўзида бўлиб кўзга кўриниб қолган уддабуровон ёшларни тарбия қилсан. Иш берсан, бори тақири-туқур, беш-олтита ёлғондакам “мутахассис”ларни йигиштирсан”, деган ғоятда кескин талаблар қўяди. Айни пайтда, у муаммонинг ечимини ёш маҳаллий киному тахассисларни тарбиялашдагина кўрмайди. F.Гулом киношунослар олдига кўйган сценарийларнинг пишиқ ва мантиқий асосланган бўлиши зарурлиги, ёзувчиларнинг маҳаллий халқ ҳаётини теран билишлари лозимлиги, ишлаб чиқариш суръатлари орқасидан қувиш эмас, балки сифатга эътибор бериш кераклиги, режиссёрнинг вижданои пок, эътиоди мустаҳкам бўлиши зарурлиги ҳақидағи вазифалар ҳам ғоятда долзарб эди.

Faafur Гулом (“Нуртой”) ижодий такомилида вақтли матбуотнинг ўрни ғоятда бекиёсdir. У 1924-1925 йиллардан 1964 йилгача бўлган қирқ йиллик даврда ижодкорлік кредити талаблари ва реал турмуш эҳтиёжларига кўра ҳикоя, фельветон, мишиятюра сингари жанрларда, яъни ҳажвий йўсунда фаол ижод қилган. Газетачилик (кенг маънода матбуот) чиндан ҳам унинг ижодий ўсиши учун университетлик ролини ўтаган.

Бизнингча, ўтган асрнинг 20-йилларида ёк адабиёт ва санъат аҳли, хусусан, давлат кино трести вакиллари олдига: поэтик маҳоратни ўстириш, миллат шаънини улуғлаш, муаммога пок виждан ҳамда мустаҳкам эътиқод билан ёндашиш, ижодий фикрга кенг йўл очиш, ҳаёт ҳақиқатига садоқат, бадийи воқеликни мантиқий асослаш, истеъододли миллий кадрларни тарбиялашдек кескин талабларни қўя олган F.Гулом шахси – феноменал ҳодиса. Бинобарин, унинг ижодий мероси, жумладан, ҳажвиёти ҳам барҳаёт.

Фойдаланилган адабиётлар рўйхати:

1. Faafur Гулом. Кечмиш ва кечирмишларимдан. МАТ., Ўн икки томлик., Биринчи том. – Т.: 1989, Б.16.
2. Faafur Гулом. Классиклардан қачон сўз очар, эҳтиёт бўлинг оловлар сочар. “Муштум”, 1933., 16-сон.
3. Мамажонов С. Faafur Гулом прозаси. – Т.: “Фан”, 1966.
4. Бойбўлатов Ж. Ўзбекларнинг адабий мероси байроби остида пантуркизм. “Шарқ ҳақиқати” 1930, № 180-183;
5. Байбулатов Дж. Чигатаизм – пантуркизм. – Москва-Ташкент, 1932.
6. Абдулла Қодирий. Калвак Махзумнинг хотира дафтаридан. Диёри бақр, –Т.: “Янги аср авлоди”. 2007., Б. 299.